

Na osnovu člana 32. stav (2) Zakona o izvršavanju Budžeta Zeničko-dobojskog kantona za 2021. godinu („Službene novine Zeničko-dobojskog kantona“, broj: 7/21) i člana 151. stav (4) Zakona o socijalnoj zaštiti, zaštiti civilnih žrtava rata Zeničko-dobojskog kantona („Službene novine Zeničko-dobojskog kantona“, broj: 13/07, 13/11, 3/15 i 2/16), Zeničko-dobojski kanton – Ministarstvo za rad, socijalnu politiku i izbjeglice, raspisuje

JAVNI POZIV
za finansiranje i sufinansiranje programa/projekata nevladinih organizacija
kantonalnog karaktera sa područja Zeničko-dobojskog kantona

I. Predmet javnog poziva

Javnim pozivom prikupljaju se programi/projekti za dodjelu budžetskih sredstava namijenjenih za finansiranje i sufinansiranje programa/projekata iz oblasti socijalne zaštite, zaštite civilnih žrtava rata, zaštite porodica sa djecom i zaštite raseljenih lica i povratnika.

II. Pravo učešća

Pravo na dodjelu sredstava imaju nevladine, neprofitne organizacije koje djeluju u oblastima socijalne zaštite, zaštite civilnih žrtava rata, zaštite porodice sa djecom i zaštite raseljenih lica i povratnika, a koje su registrovane i realizuju programe/projekte na prostoru Zeničko-dobojskog kantona.

Pod nevladinim, neprofitnim organizacijama (u daljem tekstu: NVO), podrazumijevaju se:

1. savezi, unije ili druge krovne organizacije registrovane u skladu sa zakonom na kantonalnom nivou koje u svom članstvu imaju srodna lokalna udruženja,
2. kantonalna udruženja koja su članice saveza ili unija na državnom ili federalnom nivou,
3. kantonalna udruženja koja su zadužena za provedbu Programa mjera za prevenciju, zaštitu i borbu protiv nasilja u porodici za područje Zeničko-dobojskog kantona.

III. Namjena

Budžetska sredstva su namijenjena za programe/projekte iz oblasti socijalne zaštite, zaštite civilnih žrtava rata i zaštite porodica sa djecom, promocije i zaštitu ljudskih prava, prava djece i osoba s invaliditetom, te raseljenih lica i povratnika sa naglaskom na socijalno uključivanje:

- lica sa invaliditetom i lica čiji je razvoj ometen u fizičkom ili psihičkom razvoju,
- djece bez roditeljskog staranja,
- odgojno zanemarene i zapuštene djece,
- lica koja su žrtve porodičnog nasilja i nasilja u zajednici,
- starijih lica,
- raseljenih lica i povratnika.

NVO-ima koje ispune kriterije ovog Javnog poziva, odobrit će se sredstva u maksimalnom iznosu do 5.000,00 KM za finansiranje i sufinansiranje:

1. **Programa rada za 2021. godinu;**
2. **projekata** koji će biti realizovani na području tri ili više općina/gradova Zeničko-dobojskog kantona.

Okvirni vremenski period realizacije projekata je od 01.07.-31.12.2021. godine.

IV. Potrebna dokumentacija

NVO su obavezne dostaviti sljedeću dokumentaciju:

1. Prijavni obrazac popunjen u skladu sa ovim javnim pozivom i navedenim uputama;
2. Rješenje o osnivanju NVO i posljednje izmjene predmetnog rješenja;
3. Izvod/izvadak iz Registra Ministarstva za pravosuđe i upravu Zeničko-dobojskog kantona, ne stariji od 3 mjeseca;
4. Program rada NVO za 2021. godinu;
5. Potvrda da je kantonalno udruženje iz tačke II. pod brojem 2 ovog javnog poziva članica saveza ili unije na državnom ili federalnom nivou;
6. Uvjerenje o poreznoj registraciji (identifikacijski broj: ID broj i PDV broj ukoliko su PDV obveznici);
7. Bilans stanja i bilans uspjeha za prethodnu godinu;
8. Uvjerenje o izmirenim poreskim obavezama izdato od strane nadležne poreske uprave, ne starije od 3 mjeseca;
9. Ovjereni bankovni račun uz potvrdu o solventnosti računa;
10. Izjava da podneseni program/projekat nije dobio sredstva po osnovu konkursa drugih ministarstava Zeničko-dobojskog kantona;
11. Dokaz o visini finansijskog učešća u realizaciji programa/projekta, iz vlastitih sredstava ili drugih izvora finansiranja (potvrda, ugovor ili sporazum);
12. Sporazum ili Memorandum o saradnji sa drugim institucijama/ustanovama, udruženjima ili drugim u realizaciji programa/projekta, ovjeren i potpisan od strane svih ključnih aktera.

Svi priloženi dokumenti moraju biti u originalu ili ovjerenoj kopiji.

Prijava uz koju se ne dostavi dokumentacija naznačena pod brojevima 1-10 neće biti uzeta u razmatranje, dok će dokumentacija pod brojem 11 i brojem 12 uticati na visinu odobrenih budžetskih sredstava shodno kriterijima za ocjenu programa/projekata.

V. Kriteriji za ocjenu programa/projekata

Na osnovu dokumentacije iz tačke IV. ovog Javnog poziva, opravdanost i prihvatljivost za finansiranje ili sufinansiranje programa/projekata NVO cijenit će se u skladu sa Pravilnikom za finansiranje i sufinansiranje programa/projekata nevladinih udruženja kantonalnog karaktera na osnovu sljedećih kriterija:

- kvalitet izrade prijavnog obrasca u odnosu na Javni poziv i date upute;
- značaj programa/projekata u doprinosu razvoja usluga socijalne zaštite, zaštite civilnih žrtava rata i zaštite porodica sa djecom i unapređenje položaja i statusa za korisničke grupe iz tačke III. ovog javnog poziva;
- stepen promocije i zaštite ljudskih prava, prava djece i osoba s invaliditetom, te raseljenih lica i povratnika;
- visina finansijskih sredstava za sufinansiranje programa/projekta iz sopstvenih ili drugih izvora;
- ostvarena saradnja sa drugim institucijama/ustanovama, udruženjima ili drugim u realizaciji programa/projekata (Sporazum ili Memorandum o saradnji);
- stepen ekonomičnosti programa/projekta;
- kvaliteta izvještavanja NVO o realizaciji programa/projekta podržanog od strane Zeničko-dobojskog kantona – Ministarstva za rad, socijalnu politiku i izbjeglice u 2020. godini.

VI. Zajedničke odredbe

Prijavu na Javni poziv, tj. popunjen prijavni obrazac sa pratećom dokumentacijom, obavezno dostaviti u zatvorenoj koverti na adresu:

ZENIČKO-DOBOJSKI KANTON
Ministarstvo za rad, socijalnu politiku i izbjeglice
Ul. Kučukovići br. 2, 72000 Zenica, Bosna i Hercegovina

sa obaveznom naznakom „**NE OTVARATI – po Javnom pozivu za finansiranje i sufinansiranje programa/projekata nevladinih organizacija kantonalnog karaktera sa područja Zeničko-dobojskog kantona**“, sa naznačenim nazivom NVO, podnosioca prijave.

Javni poziv ostaje otvoren 15 dana, od dana objavljivanja ovog Javnog poziva na službenoj web stranici Zeničko-dobojskog kantona (www.zdk.ba) i dnevnim novinama „Dnevni avaz“.

Prijavni obrazac za program/projekat, može se preuzeti na www.zdk.ba ili u Ministarstvu za rad, socijalnu politiku i izbjeglice Zeničko-dobojskog kantona.

U razmatranje neće biti uzete nepotpune i neblagovremene prijave, kao niti prijave NVO koje nisu dostavile izvještaje o namjenskom utrošku budžetskih sredstava dodijeljenih odlukama/zaključcima Vlade Zeničko-dobojskog kantona putem Ministarstva za rad, socijalnu politiku i izbjeglice u 2020. godini.

Sve dodatne informacije o načinu i postupku učešća u Javnom pozivu, mogu se dobiti u Ministarstvu za rad, socijalnu politiku i izbjeglice Zeničko-dobojskog kantona ili putem telefona: 032/460-688.